



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 3. Vtrum Sancti in cœlis ore[n]t pro defunctis.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

a. Obie-
ctio, de
Traiano,
& aliis ex
inferno sal-
vatis.

Solutio,

Obijcitur Secundò: Damascenus *Oratione de ijs qui in fide dormierunt*, dicit Traianum precibus S. Gregorij ex inferno liberatum: & animā cuiusdam Falconillæ paganæ feminæ precibus S. Thecla prima martyris. Idem refert ex Palladij historia Lausiacā, cranium cuiusdam idololatæ respondisse S. Macario, Damnatos sentire aliquid solatum, quando pro ipsis preces offerret.

Respondeo: Exemplum istud de Traiano videri totum fictitium; vt docet Canus lib. 11. De locis, cap. 2. & 3. & multi recentiores. Quomodo enim credibile est, Traianū, qui non tantum fuit idololatra per omnem vitam, & infinitos Sanctos affecit martyrio, & præpostoræ libidini deditus fuit, sed etiam voluit statuam suam adorari; post quingentos annos, ob opus misericordia planè naturale viduę præstitum in infidelitate & peccato mortifero, ex inferno esse liberatū; aut B. Gregorium ob tantillā opus id à Deo petere voluisse? Adde, in eadem historiā dici S. Gregorium ob hanc petitionem fuisse punitus perpetuo stomachi dolore. Quomodo ergo in re tanta fuit exauditus, si petendo peccauerit? Dicendum ergo, Damascenum non esse auctorem istius orationis, sed Græcum aliquem parum eruditum. Nam in eadem oratione dicitur, *Multos alios infideles in inferno fuisse à Christo illuc descendente, & prædicante conuersos, & saluatos*: quod est error exploratus & cvidens. Similiter apocrypha est illa historia de

cranio: tum ob alias causas, tum quia in Palladio non reperitur. Neque etiam credibile est, Macarium pro damnatis orare consueuisse.

D V B I V M III.

Vtrum Saneti in cælis orens pro defunctis?

Dominicus Soto dis. 45. quæst. 3. art. 2. negat; cō quid oratio Sanctorum non sit satisfactoria: Suffragia autem non prosint, nisi per modum satisfactionis.

Sed hæc sententia defendi non potest. Primo, Afirmatur. Quia Luce 16. v. 9. dicitur: *Facite vobis amicos de mannum iniquitatis, vt, cùm defeceritis, excipiant vos in eterna tabernacula*: in quem locū vide Ambros. in Comment. & August. lib. 21. de Ciuit. cap. 27. Secundò: Quia Ecclesia in oratione, Deus renita largitor, rogat Deum, vt B. Virgine, & omnibus Sanctis intercedentibus, animas defunctorum ad perpetua beatitudinē conseruare dignetur.

Ad rationē Soti. Resp: Etsi oratio Sanctorū nō sit satisfactoria, est tamen imprecatoria, & sic applicat quodammodo animabus Christi satisfactiones. Precatur enim Sancti, vt Deus propter Christi & Sanctorum satisfactiones illis condonet; quomodo etiam nobis gratiam impearant; quamvis Deus non statuerit nobis gratiā conferre, nisi interueniente aliquo merito, saltem Christi, vt alibi dictum est.

DE SACRAMENTO
EXTREMAE VNCTIONIS.*Circa Questionem 29. 30. 31. 32. & 33.*

CAPVT I.

*De Essentialibus huius
Sacramenti.*

D V B I V M I.

*Vtrum Extrema Vnctio sit verum noue
Legis Sacramentum?*

Hæretici
negantur.

Primi, qui hoc Sacramentum sustulerunt, videntur fuisse Waldenses; vt refert Thomas Waldensis Tom. 2. cap. 163. Hos sectatus est Wiccleff, & demum hæretici nostri temporis.

Sententia
a Firmans
est de fide.

Sed certa fide tenendum est, extremam Vnctionem esse verum & propriè dictum nouæ legis Sacramentū. Patet ex Concilio Trident. sess. 14. can. 1. De extrema Vnctione: *Si quis dixerit, extremam Vnctionem non esse vere at proprie sacramentum à Christo Domino nostro institutū, & à B. Iacobo Apostolo promulgatum, sed ritum tantum acceptum à Patribus, aut figuratum humanum, anathema sit.* Idem patet ex Concil. Florentino, cui interfuerunt Græci, & simili cum Latinis approbarunt Armenorum instructionem.

Expeditur
locus Mar-
ci s. de Vn-
ctione

Probatur Primò: Marci 6. Vngebam (Apostoli) oleo multos agros, & sanabam. Hunc locum intelligi de hoc Sacramento probat multis Maldonatus,

& insinuat Hieronymus in Commentario huius loci, dicens: *Cum vnguant oleo agros, infirmataem fideli virtute corroborant, vbi satis indicat, se non loqui de dono miraculorum, sed de Sacramento interiori sanante.* Clarius adhuc Beda, Theophylactus, Oecumenius, Euthymius, Albertus Magnus, & Dionysius Carthusianus in hunc locum Marci, & Beauxamis tom. 2. fol. 516. Thomas Waldensis suprà, Alphonsus à Castro verbo *Extrema Vnctio*. Petrus Soto lect. 1. Francis. Victoria lect. 213. Probatur: quia omnia hic insinuantur, quæ ad rationem huius Sacramentū pertinent; Materia remota, Oleum; propinquæ, Vnctio; Minister, Apostoli; sub quibus intelligi Sacerdotes & Presbiteros. Apostolorum in hoc successores: subiectum quod vngit, Infirmi; effectus, Sanatio, corporis scilicet & animæ: non enim sanabant Apostoli corpore, nisi quos etiam sanabant spiritu. Et quamus hic non exprimatur formula verborum, dubitandum tamen non est, quin aliquam adhibuerint, vt etiam fatentur ij, qui existimat hæc agi de dono miraculorum. Confirmantur hæc omnia: Quia parum credibile est, Dominum præcepisse Apostolis Vnctionem olei ad curandum corpus per donum miraculorum, quia hæc vncio multum detrahalit miraculo; vñsi enim fuissent virtute olei curasse; quod quidam hæretici, inter quos Wicleff, & aliqui Caluinistæ, dixerunt: ergo præcepit eam Vnctionem ad significandam & efficiendam potissimum in-